


Cisco WebEx sistem na Visokoj školi računarstva i poslovnih komunikacija eMPIRICA

# Najbolje rješenje za web-konferencijska predavanja u svijetu

Studenti imaju mogućnost uključanja u on-line predavanja



*Dr. sc. Sebastian Lahajnar, vodi nastavu na predmetima Web tehnologije i Inženjerstva*

Od oktobra 2013. godine Visoka škola računarstva i poslovnih komunikacija eMPIRICA u Brčko distriktu BiH za potrebe web-konferencijskih predavanja koristi vlastiti Cisco WebEx sistem. WebEx pruža brojne mogućnosti koje osiguravaju kvalitetno izvođenje i praćenje web-konferencijskih predavanja, a koje se na Visokoj školi eMPIRICA koriste za potrebe predavanja gostujućih profesora iz inostranstva.

### Predavači ugledni profesori iz inostranstva

Sa ciljem da svojim studentima obezbijedi pristup savremenim iskustvima u ICT oblasti i podučavanje od strane svjetski priznatih predavača i stručnjaka, Visoka škola eMPIRICA tokom cijele akademske godine nastavlja saradnju sa uglednim profesorima iz Slovenije i Srbije, koje angažuje za potrebe nastavnog procesa. Nastavu na predmetima Web tehnologije i Programsko inženjerstvo, tokom zimskog semestra izvodio je dr. sci. Sebastian Lahajnar sa Fakulteta za komercijalne in poslovne vede iz Ljubljane.

Za izvođenje nastave na predmetu Algoritmi i strukture podataka, koji slušaju studenti prve godine na studijskom programu Inženjerska informatika, Visoka škola eMPIRICA je ponovno angažovala prof. dr. Matjaža Debevc sa Fakulteta elektrotehnike i računarstva Univerziteta u Mariboru, koji je gostujući profesor i na brojnim slovenačkim i evropskim univerzitetima.

Od ljetnog semestra akademske 2013/2014.

godine Visoka škola eMPIRICA je ostvarila i novu saradnju za potrebe izvođenja nastave na drugoj godini studijskog programa Inženjerska informatika. Doc. dr. Andrej Tibaut, šef Katedre za građevinsku i saobraćajnu informatiku na Građevinskom fakultetu Univerziteta u Mariboru, izvodi nastavu na predmetu Objektno orijentisano programiranje. Za izvođenje nastave na predmetu Razvoj web aplikacija angažovan je doc. dr. Nenad Stefanović koji radi na Prirodno-matematičkom fakultetu u Kragujevcu i Fakultetu tehničkih nauka u Čačku. Profesor Stefanović je u toku svoje karijere radio na projektovanju i izradi niza poslovnih informacionih sistema, web stranica, kao i održavanju složenih

serverskih softverskih sistema. Sva web-konferencijska predavanja se snimaju i studentima su kasnije dostupna putem Interneta kao video na zahtjev (VoD), što se pokazalo jako korisnim za studente na daljinu, koji zbog poslovnih obaveza nekada nisu bili u mogućnosti da se uključe u on-line predavanje u zakazanom terminu.

### WebEx

Nakon niza web-konferencijskih predavanja realizovanih putem WebEx-a utisci studenata su bili odlični, pogotovo utisci studenata na daljinu kojima je na ovaj način pružena mogućnost da aktivno učestvuju u predavanjima, bez potrebe da napuštaju svoj dom ili posao.

Iako su u početku studenti osjećali određen otklon od ovakvog načina predavanja, tokom vremena su ovladali tehnologijom i sve češće stupali u interakciju sa profesorom, te u najvećoj mjeri iskoristili mogućnosti koje nudi WebEx, kao jedan od najmoćnijih rješenja za web-konferencijska predavanja u svijetu. Danas milioni ljudi u svijetu koriste WebEx za potrebe edukacije, treninga, webinar, sastanaka, prodaje, zajedničkog rada i podrške na daljinu. U BiH, Visoka škola eMPIRICA jedina posjeduje vlastitu instalaciju ovog moćnog rješenja, koji sve intenzivnije koristi u cilju približavanja studenata vrhunskim stručnjacima kroz njihovo uključivanje u nastavni proces, bez obzira gdje se oni nalaze u svijetu.

Pripremila: M.S.



*Doc. dr. Nenad Stefanović, vodi nastavu na predmetu Razvoj web aplikacija*

48